

UPM BANTU PELAJAR, KAKITANGAN BEBAS ROKOK

Universiti Putra Malaysia (UPM), Serdang, Selangor komited dalam melaksanakan kempen dan program antimerokok dalam kalangan warga universiti itu.

Naib Canselor UPM, Profesor Datin Paduka Dr Aini Ideris berkata, pelbagai program dilaksanakan untuk membantu pelajar dan kakitangan bebas merokok.

"UPM menjalankan aktiviti kawalan tembakau dan mengajar kursus khas Epidemiology of Non Communicable Diseases and Prevention and Control of NCDs Risk Factors.

"Kursus khas itu diajar kepada pelajar Master of Public Health, Master of Science dan Doctorate

of Public Health dalam usaha membantu kerajaan memberikan kesedaran kepada masyarakat mengenai bahaya merokok," katanya pada majlis

Konvensyen Kesedaran Persekutuan Bebas Amalan Merokok sempena Hari Tanpa Tembakau Sedunia 2019, di UPM, baru-baru ini.

Turut hadir, Menteri

Kesihatan Datuk Seri Dr Dzulkefly Ahmad yang merasmikan konvensyen berkenaan.

Dr Aini berkata, UPM juga menjalankan Perkhidmatan Berhenti Merokok untuk membantu pelajar dan kakitangan yang mahu berhenti merokok.

Sementara itu, Dr Dzulkefly mahu usaha murni ke arah mewujudkan kesedaran persekitaran yang bebas amalan merokok

terus diangkat dan disokong seluruh rakyat Malaysia.

Beliau berkata, pihak kementerian akan memberi sokongan berterusan dalam pengajuran program seumpama itu.

"Merokok bukan sahaja merugikan kesihatan dan wang, malah turut menjadikan produktiviti, ekonomi serta persekitaran masyarakat," katanya.

Konvensyen kesedaran itu dianjurkan Fakulti

Perubatan dan Sains Kesihatan (FPSK) UPM dengan kerjasama Malaysian Council for Tobacco Control (MCTC), Malaysian Medical Association (MMA) serta Kementerian Kesihatan.

Malah konvensyen itu turut memberi kesedaran kepada masyarakat berkenaan kesan merokok yang menjadi penyumbang utama kematian kira-kira enam juta penduduk di seluruh dunia.

